



Pagina dals giuvens cun Beat Sonder

Per il giuven Beat Sonder èn gis olimpics dapli che in eveniment da sport gigantic.

13



15avla ediziun da la Transviamala

Dumengia passada ha gè lieu en Val Schons la cursa Transviamala che carmala in grond publicum.

15

südostschweiz

LA QUOTIDIANA

Redacziun: Via Sommerau 32, 7007 Cuira, tel. 081 255 57 10, redacziun@laquotidiana.ch



Martin W. Pernet ha publichà 15 da sias diversas istorgias dal minchadi sco ravarenda.

Prüm cudesch belletristic da Martin W. Pernet

■ (anr/afi) Illa Chasa editura Desertina es cumparà d'incuort il prüm cudesch belletristic da Martin W. Pernet da Sent. Sco ravarenda ha l'passantà divers ons in cumüns alpins situats in valladas giò d'via. Dürant sia professiun ha l' scrit sü eveniments particulars cun persunas da characters chi nu's cunfan adüna culla norma. Sco cha l'autur manzuna han ils protagonistas da

sias istorgias fat ad el grond'impreschiun. Las 15 istorgias in seis cudesch «Das Lächeln der Vergangenheit» quintan da la vita in regions alpinas, da situaziuns da seis minchadi sco ravarenda e sco conuman. «Mias istorgias dessan servir al lectur sco muossavias e procurar per mumaints plaschavels cun tillas teger», disch Pernet.

> PAGINA 11

In implont tgeu che secumprova

Adina dapli glied s'interessescha per la calira a distanza a Glion

DAD AUGUSTIN BEELI / ANR

■ Igl implont fa buca canera, il baghetg situaus agl ur dil marcau da Glion ei aschi discrets ch'ins sto supponer ch'el seigi buc en funcziun. Tut auter ei il cass. La centrala termoelectrica cun lenna ha contonschiu 70 pertschien da sia capaciad. Tendenz ensi. Il marcau da Glion cun siu label sco marcau d'energia ha dau igl impuls. Differents promoturs a Glion han stuschau anavon in project che secumprova pli e pli. Igl avrel 2015 ha l'Ovra electrica dil marcau da Turitg EWZ inaugurau siu implont da producir calira sin distanza cun lenna. Il tgamin digl implont ei veseivels lunsch entuorn. Damai ch'el fema mai, suppona beinenqualin a Glion e contuorn ch'el seigi buc en funcziun. Dapi in onn e meiz ei quel en funcziun ed in dils numerus dumbraders electronics ha registrau ch'el ei dapi 12 500 uras en acziun. Il diember da clients ch'ei associati alla reit da calira externa ord igl implont alla Via dil Glion ei carschius da 63 sin ussa 74 objects. Sper il spital regional, la



La centrala termoelectrica cun lenna a Glion ei in baghetg discret che producescha calira – senza canera, senza emissions, senza interrupziuns.

FOTO A. BEELI

casa da vegls e da tgira e la scola da Glion retraian era duas surbaghegiadas novas a Glion la calira da quella centrala. Dapi ch'ella ei aviarta producescha la

centrala termoelectrica cun lenna per 95 pertschien senza ieli, e quei vul gir neutral al clima. Il pass d'investar a Glion en in niev implont secumprova per

l'EWZ. Il meinagestiu Fidel Cadruvi conferma l'efficienza e cuntinuitad dalla centrala.

> PAGINA 3



Giusep Tschuur, il musicist indigen, suna l'ovra da Theodor Dubois sin l'orgla dalla baselgia catolica da Sagogn.

FOTO P. DUFF

Instruments da lenn accumpignai dall'orgla en in ambient sacral

■ (anr/ff) Ella baselgia catolica da Sagogn ein bialas melodias dall'epoca baroca e romantica resunadas la dumengia vargada. Giusep Tschuur ha accumignau all'orgla da tastas, all'orgla gronda dalla baselgia ed al spinet las melodias sunadas dad Ursina Brun cun flauta traversa e Gion Andrea Casanova cun fagot. L'introducziun cun

ina sonata da Bach en quater frassas e l'ovra finala da Telemann, in concert per flauta, fagot ed orgla, han tratg la rama d'in'ura plein biala musica da combra. La Pro Sagogn ha clamau ed in vast publicum ha suandau igl invit ed ha gudiu quell'ura musicala da tuns penetrants.

> PAGINA 8

■ BALLAPEI

Impurtonts puncts per Schluein Glion

(anr/hh) Schluein Glion ha gudignau la sonda sera il giug a casa encunter Rapperswil-Jona. Cun quella victoria ein ils Sursilvans semigliurai per in plaz ella tabella dalla 2. ligia regiunala. Quest atun absolve Schluein Glion aunc dus giugs e sil pli pauc in da quels vul la squadra aunc gudignar. Sonda ein ils Sursilvans hosps ordeifer encunter Mels ed in jamna pli tard retscheivan els a casa Altstätten. Suenter la victoria la fin d'jamna astga la squadra dil cautrenader Cyrille Belinga esser ottimistica per quell'as duas scuntra-das. Las schanzas da far aunc quest atun il segl sur il streh dalla relegaziun ein intactas.

> PAGINA 8

■ VAL SCHONS

Gian Michael

Igl deputo da Schons varda anavos sen la sessiun d'october digl cunzegl grand. La ple impurtanta fatschenta e stada la tgatscha.

> PAGINA 14

Ina sportista excepziunala

Ornella Poltéra ha gudignau il Transruinalta

■ (anr/gv) Ornella Poltéra da Sagogn ei ina dallas meglieras sportistas grischunas. Quei ha ella ina gada dapli mussau la sonda ella cursa dil Transruinalta da Glion a Tusaun. Pils 42 kilometers cun 1800 meters differenza d'altezia

ha la curridra da 27 onns duvrau biebein quater uras ed ha schau dumignar sulet da 26 dils 350 umens. Ella categoria dils umens ha Raphael Sprenger da Turitg gudignau. Sandro Caduff da Glion ha schau nudar il meglier temps dils curriders indi-

gens. La cursa ha giu liug da temperaturas freidas, mo tuttina idealas e la culissa tras il territori da muntada mundiala havess buca saviu se-presentar meglier.

> PAGINA 7



Ornella Poltéra ei la «regina dallas cavorgias 2016». Ella ha gudignau la cursa tras la Ruinalta.

FOTO G. VENZIN



20043

Servetsch d'abunents e da distribuziun: tel. 0844 226 226 mail: abo@somedia.ch

9 771424 749004